

ՀԱՇՎԵՏՎՈՒԹՅՈՒՆ

«Հաշմանդամների սոցիալական պաշտպանության 2020 թվականի տարեկան ծրագրի և միջոցառումների ցանկի նախագծերին հավանություն տալու մասին» ՀՀ օրենքի 42-րդ հոդվածի համաձայն ՀՀ կառավարության 2019թ. սեպտեմբերի 30-ի N1292-Լ արձանագրային որոշման իրականացման վերաբերյալ

Հ/Հ	Միջոցառման անվանումը	Պատասխանատու կատարողը	Կատարման ժամկետը	Ֆինանսավորման չափը և աղբյուրը	2020 թվականի ընթացքում իրականացված աշխատանքներ
1.	Օրենսդրության համապատասխանեցում ՄԱԿ-ի 2006թ.-ի «Հաշմանդամություն ունեցող անձանց իրավունքների մասին» կոնվենցիայի սկզբունքներին				
1.1.	ՄԱԿ-ի 2006թ. «Հաշմանդամություն ունեցող անձանց իրավունքների մասին» կոնվենցիայի կամընտիր արձանագրության վավերացմանն ուղղված աշխատանքների իրականացում	Արտաքին գործերի նախարարություն Աշխատանքի և սոցիալական հարցերի նախարարություն	Տարվա ընթացքում	Ֆինանսավորում չի պահանջվում	<p><i>Հաշմանդամություն ունեցող անձանց իրավունքների և օրինական շահերի արդյունավետ պաշտպանության նոր հնարավորությունների ամրագրում՝ «հաշմանդամություն ունեցող անձանց՝ Կոնվենցիայով սահմանված իրավունքների ենթադրյալ խախտումների վերաբերյալ հաղորդումների՝ Հաշմանդամություն ունեցող անձանց իրավունքների կոմիտե ներկայացնելու և կոմիտեի կողմից դրանք քննության առնելու իրավունքի նախատեսման միջոցով:</i></p> <p>Մեկնարկել են աշխատանքներ «Հաշմանդամություն ունեցող անձանց իրավունքների մասին» ՄԱԿ-ի կոնվենցիայի կամընտիր արձանագրությունը վավերացնելու ուղղությամբ: ՀՀ կառավարության 2020 թվականի հունիսի 11-ի 938-Ա որոշմամբ</p>

					<p>հավանություն է տրվել «Հաշմանդամություն ունեցող անձանց իրավունքների մասին» ՄԱԿ-ի կոնվենցիայի կամընտիր արձանագրությունը վավերացնելու մասին» ՀՀ օրենքի նախագծին և ներկայումս իրականացվում են ներպետական ընթացակարգեր՝ «Միջազգային պայմանագրերի մասին» ՀՀ օրենքի դրույթներին համապատասխան: «Հաշմանդամություն ունեցող անձանց իրավունքների մասին» ՄԱԿ-ի կոնվենցիայի կամընտիր արձանագրության վավերացումը նոր հնարավորություն և հարթակ կստեղծի «Հաշմանդամություն ունեցող անձանց իրավունքների մասին» ՄԱԿ-ի կոնվենցիայի դրույթների խախտումների մասին բարձրաձայնելու համար և կնպաստի Հայաստանի Հանրապետությունում հաշմանդամություն ունեցող անձանց իրավունքների և օրինական շահերի արդյունավետ պաշտպանությանը:</p>
1.2.	<p>«Հաշմանդամություն ունեցող անձանց իրավունքների մասին» ՀՀ օրենքի նախագծի ներկայացում վարչապետի աշխատակազմ</p>	<p>Աշխատանքի և սոցիալական հարցերի նախարարություն</p>	<p>Տարվա ընթացքում</p>	<p>Ֆինանսավորում չի պահանջվում</p>	<p><i>Հաշմանդամություն ունեցող անձանց իրավունքների պաշտպանության, նրանց համար հավասար հնարավորությունների և մարչելի պայմանների ապահովման իրավական պահանջների սահմանում, հասարակական կյանքի բոլոր ոլորտներում նրանց իրավունքների ապահովում՝ բացառելով հաշմանդամության հիմքով խտրականությունը:</i></p> <p>ՄԱԿ-ի 2006 թվականի «Հաշմանդամություն ունեցող անձանց իրավունքների մասին» կոնվենցիայի դրույթներին համապատասխանեցնելու նպատակով, հաշվի առնելով նաև կոնվենցիայի կատարման մասին ՄԱԿ-ի հաշմանդամություն ունեցող անձանց իրավունքների հարցերով կոմիտեի 2017 թ. մայիսի 8-ի CRPD/C/ARM/CO/1 եզրափակիչ դիտարկումները՝</p>

					<p>նոր խմբագրությամբ մշակվել և սահմանված կարգով շրջանառության մեջ է դրվել «Հաշմանդամություն ունեցող անձանց իրավունքների մասին» օրենքի նախագիծը՝ ամրագրելով մարդու իրավունքների վրա հիմնված սկզբունքներ:</p> <p>Օրենքի նախագծով պետությունը երաշխավորություն է ստանձնում հաշմանդամություն ունեցող անձանց՝ այլ անձանց հետ համահավասար անկախ կյանքի և համայնքում ներառվելու համար անհրաժեշտ պայմաններ և հավասար հնարավորություններ ստեղծելու ուղղությամբ:</p> <p>Հաշմանդամություն ունեցող անձանց համար մատչելի և հավասար պայմաններ ապահովելու նպատակով՝ նախագծով սահմանվել են դրույթներ հաշմանդամության հիմքով խտրականությունը արգելելու, ֆիզիկական միջավայրի, տեղեկատվության և հաղորդակցման մատչելիությունն ապահովելու վերաբերյալ:</p> <p>Օրենքի նախագիծը սահմանված կարգով շրջանառվել է շահագրգիռ գերատեսչությունների և հասարակական կազմակերպությունների միջև:</p> <p>Ստացված առաջարկները քննարկվել են, արդյունքում լրամշակված «Հաշմանդամություն ունեցող անձանց իրավունքների մասին» ՀՀ օրենքի նախագիծը և «Վարչական իրավախախտումների վերաբերյալ Հայաստանի Հանրապետության օրենսգրքում լրացումներ կատարելու մասին» և «Հայաստանի Հանրապետության վարչական դատավարության օրենսգրքում փոփոխություն և լրացումներ կատարելու մասին» ՀՀ օրենքների նախագծերը փաթեթով ներկայացվել են վարչապետի աշխատակազմ:</p>
--	--	--	--	--	---

1.3.	«Ֆունկցիոնալության գնահատման մասին» ՀՀ օրենքի նախագծի ներկայացում վարչապետի աշխատակազմ	Աշխատանքի և սոցիալական հարցերի նախարարություն	Տարվա ընթացքում	Ֆինանսավորում չի պահանջվում	<p><i>Հաշմանդամություն ունեցող անձի կարիքների գնահատման նոր մոդելի իրավական հիմքի առկայություն</i></p> <p>Նոր մոդելի ներդրման իրավական հենքը ապահովելու նպատակով մշակվել և և 13.11.2020 ՁԲ/ԲՀ-3-2/61791-2020 գրությունով վարչապետի աշխատակազմ է ներկայացվել «Անձի ֆունկցիոնալության գնահատման մասին» օրենքի նախագիծը:</p> <p>Համաձայն նախագծի նախատեսվում է բժշկասոցիալական փորձաքննության հանձնաժողովների փոխարեն ստեղծել ֆունկցիոնալության գնահատման կենտրոններ, որոնք կգործեն ինտեգրված սոցիալական ծառայությունների կազմում: Մշտապես գործող բժշկասոցիալական փորձաքննության հանձնաժողովների փոխարեն յուրաքանչյուր անձի ֆունկցիոնալության գնահատման նպատակով մասնագետների ռեեստրից պատահական ընտրությամբ կձևավորվի բազմամասնագիտական հանձնաժողով: Հանձնաժողովի կազմում լինելու են բժիշկներ, հոգեբաններ, էրգոթերապիստներ և այլն: Նախագծով նախատեսվում է հաշմանդամության խմբերի փոխարեն (1-ին, 2-րդ, 3-րդ խումբ և հաշմանդամ երեխա), սահմանել անձի ֆունկցիոնալության սահմանափակման աստիճանը՝ թեթև, միջին, ծանր, խորը:</p>
1.4	«Հաշմանդամություն ունեցող անձանց խնամքի ծառայությունների փոխակերպման 2020-2024 թթ.	Աշխատանքի և սոցիալական հարցերի նախարարություն	Տարվա ընթացքում	Ֆինանսավորում չի պահանջվում	<p><i>Այլընտրանքային ծառայությունների ընդլայնում</i></p> <p>Հաշմանդամություն ունեցող անձանց անկախ կյանքի իրավունքը ապահովելու, իրավունքահեն այլընտրանքային ծառայություններ մատուցելու, հաշմանդամություն ունեցող անձանց մուտքը խնամքի շուրջօրյա մեծ հաստատություններ</p>

	<p>միջոցառումների ծրագիրը և ծրագրի իրականացման ժամանակացույցը հաստատելու մասին» ՀՀ կառավարության որոշման նախագծի ներկայացում վարչապետի աշխատակազմ</p>			<p>կանխարգելելու նպատակով մշակվել է «Հաշմանդամություն ունեցող անձանց խնամքի ծառայությունների փոխակերպման 2020-2024 թթ. միջոցառումների ծրագիրը և ծրագրի իրականացման ժամանակացույցը հաստատելու մասին» ՀՀ կառավարության որոշման նախագիծը (այսուհետ՝ նախագիծ):</p> <p>Նախագծով նախատեսվող ծառայությունների փոխակերպման գործընթացը ենթադրում է ապահովատրուցիոնալացման գործընթաց՝ զուգընթաց ստեղծելով կամ զարգացնելով համայնքահեն այլընտրանքային ծառայություններ, մասնավորապես՝ համայնքահեն փոքր խմբային տներ, պաշտպանված բնակարաններ, անձնական օգնականի ծառայություն, տնային խնամքի ծառայություններ: Հաշմանդամություն ունեցող անձանց անկախ ապրելու, համայնքում ներառվելու իրավունքն իրացնելու համար ստեղծված այդ ծառայությունները պետք է հասանելի լինեն հաշմանդամություն ունեցող յուրաքանչյուր անձի՝ անկախ նրա առողջական խնդրի տեսակից, բնակության վայրից, սեռից և այլն: Այս ծառայությունները հնարավորություն կստեղծեն, որպեսզի հաշմանդամություն ունեցող անձինք, այդ թվում՝ հոգեկան առողջության և մտավոր խնդիրներ ունեցող անձինք, երեխաները, կանայք և աղջիկները հնարավորություն ունենան ակտիվ մասնակցություն ունենալ համայնքային կյանքին, ապրեն ընտանիքում կամ ընտանիքին մոտ միջավայրում, մասնակցեն մշակույթի, սոցիալական, քաղաքական և տնտեսական զարգացման առաջընթացին: Մարդու իրավունքների վրա հիմնված ծառայությունների ներդրումն ու զարգացումը, վերապատրաստված և արհեստավարժ մասնագետների միջոցով ծառայություններ մատուցելը ճկուն մեխանիզմներ կապահովեն հաշմանդամություն ունեցող</p>
--	---	--	--	---

					<p>անձանց անկախ կյանքի համար, նրանց կարողությունների հզորացման, այդ թվում ինքնուրույն որոշումներ կայացնելու համար:</p> <p>Նախագիծը սահմանված կարգով շրջանառվել է շահագրգիռ գերատեսչությունների և հասարակական կազմակերպությունների միջև: Արդարադատության նախարարության կարծիքի հիման վրա (նախագծի ընդունման համապատասխան իրավական հիմքի բացակայություն) նախագծի հետագա շրջանառությունը դեռևս կասեցվել է:</p>
2.	Հաշմանդամություն ունեցող անձանց համար ֆիզիկական միջավայրի, տրանսպորտային միջոցների, տեղեկատվության մատչելիության իրավունքի ապահովում				
2.4.	Ծառայություն մատուցող մարմիններում տեսահաղորդակցման համակարգի ներդրմանն ուղղված ծրագրի մշակում, պիլոտ ծրագրի իրականացում	Աշխատանքի և սոցիալական հարցերի նախարարություն.	Տարվա ընթացքում	Դոնոր կազմակերպություններ	<p>Լսողության խնդիրներով հաշմանդամություն ունեցող անձանց ծառայություններ ստանալու նպատակով հաղորդակցման իրավունքի ապահովում</p> <p>Լսողության խնդիրներով հաշմանդամություն ունեցող անձանց հաղորդակցման մատչելիության ապահովման նպատակով սույն միջոցառման շրջանակում նախատեսվում է հանրային ծառայություններ ստանալիս իրականացնել առցանց ժեստերի լեզվի թարգմանության փորձնական ծրագիր: Ծրագիրն իրականացնելու նպատակով նախարարությունում աշխատանքի է ընդունվել ժեստերի լեզվին տիրապետող մասնագետ, որը համապատասխան համակարգի առկայության դեպքում, տեսազանգի միջոցով պետք է ապահովի ժեստերի լեզվով համաժամակյա թարգմանություն ծառայություն մատուցող մարմիններում:</p>

					<p>Սակայն ծրագիրը դոնոր կազմակերպությունների բացակայության պատճառով դեռևս ամբողջությամբ չի իրականացվում:</p> <p>Միաժամանակ, լսողության խնդիրներ ունեցող անձանց համար տեղեկատվության մատչելիությունն ապահովելու նպատակով՝ ԱՍՀԼ պաշտոնական www.mlsa.am կայք էջում տեղեկատվական հրապարակումներն ուղեկցվում են նաև հայերեն ժեստերի լեզվի թարգմանությամբ:</p>
2.5.	Հաշմանդամություն ունեցող անձանց անձնական օգնականի ինստիտուտի ներդրման ծրագրի մշակում	Աշխատանքի և սոցիալական հարցերի նախարարություն	Տարվա ընթացքում	Դոնոր կազմակերպություններ	<p><i>Հաշմանդամություն ունեցող անձանց համայնքում ապրելու իրավունքը, նրանց սոցիալական ներառումը հասարակություն ապահովելուն ուղղված ծրագիր</i></p> <p>Մշակվել և շրջանառության մեջ է դրվել «Հաշմանդամություն ունեցող անձանց խնամքի ծառայությունների փոխակերպման 2020-2024 թվականների միջոցառումների ծրագիրը», որի շրջանակներում նախատեսվում է ներդնել այլընտրանքային համայնքահենք ծառայություններ, մասնավորապես՝ համայնքահենք խմբային փոքր տներ, տնային խնամքի, անձնական օգնականի, սոցիալական օգնականի ծառայություններ: Այս ծառայությունները հնարավորություն կստեղծեն, որպեսզի հաշմանդամություն ունեցող անձինք, այդ թվում՝ հոգեկան առողջության և մտավոր խնդիրներ ունեցող անձինք, երեխաները, կանայք և աղջիկները ակտիվ մասնակցություն ունենան համայնքային կյանքին, ապրեն ընտանիքում կամ ընտանիքին մոտ միջավայրում, մասնակցեն մշակույթի, սոցիալական, քաղաքական և տնտեսական զարգացման առաջընթացին:</p> <p>Միաժամանակ, ՄԱԿ-ի Զարգացման ծրագրի /UNDP/</p>

					<p>կողմից մշակվել է «Սոցիալական օգնական և սոցիալական տաքսի» գործարար ծրագիրը: Ծրագրի շրջանակներում մշակվել է սոցիալական օգնականի ծառայության ներդրման գործիքակազմը, փորձնական ծրագրի պլանը:</p> <p>Սոցիալական օգնականի ծառայության նպատակն է ապահովել հաշմանդամություն ունեցող անձանց համայնքում և ընտանիքում ապրելու իրավունքը, աջակցել նրանց կազմակերպելու խնամքը, իրենց տնային տնտեսության վարումը, այցելությունները բժշկի և այլ գործողություններ, որոնք անձը դժվարանում է կատարել:</p>
4.	Հաշմանդամություն ունեցող անձանց աշխատանքի և զբաղվածության իրավունքի ապահովում				
4.1.	Գործազուրկների, աշխատանքից ազատման ռիսկ ունեցող, ինչպես նաև ազատագրկման ձևով պատիժը կրելու ավարտին մինչև վեց ամիս մնացած աշխատանք փնտրող անձանց մասնագիտական ուսուցման կազմակերպում	ՀՀ աշխատանքի և սոցիալական հարցերի նախարարություն	Տարվա ընթացքում	ՀՀ պետական բյուջե /13,527.5 հազ. դրամ/	<p>Հաշմանդամություն ունեցող անձանց զբաղվածության խթանում, 52 հաշմանդամություն ունեցող անձի մասնագիտական ուսուցման կազմակերպում</p> <p>Ծրագրում ներգրավվել է հաշմանդամություն ունեցող 24 անձ:</p>
4.2.	Աշխատաշուկայում	Աշխատանքի և	Տարվա	ՀՀ պետական	Հաշմանդամություն ունեցող անձանց զբաղվածության

	անմրցունակ անձանց փոքր ձեռնարկատիրական գործունեության աջակցության տրամադրում	սոցիալական հարցերի նախարարություն	ընթացքում	բյուջե /13,000.0 հազ. դրամ/	<i>խթանում, աջակցություն՝ 13 հաշմանդամություն ունեցող անձի փոքր ձեռնարկատիրական գործունեությանը զբաղվելու նպատակով</i> Ծրագրում ներգրավվել է հաշմանդամություն ունեցող 7 անձ:
4.3.	Աշխատաշուկայում անմրցունակ անձանց աշխատանքի տեղավորման դեպքում գործատուին աշխատավարձի մասնակի փոխհատուցում և հաշմանդամություն ունեցող անձին ուղեկցողի համար դրամական օգնության տրամադրում	Աշխատանքի և սոցիալական հարցերի նախարարություն	Տարվա ընթացքում	ՀՀ պետական բյուջե /14981.8-հազ. դրամ/ Ֆինանսավորում ը կազմել է 14039.91 հազ. դրամ	<i>Հաշմանդամություն ունեցող անձանց զբաղվածության խթանում՝ ծրագրում 30 շահառուի ընդգրկմամբ:</i> Ծրագրում ներգրավվել է հաշմանդամություն ունեցող 32 անձ:
4.4.	Ձեռք բերած մասնագիտությամբ մասնագիտական աշխատանքային փորձ ձեռք բերելու համար գործազուրկներին աջակցության տրամադրում	Աշխատանքի և սոցիալական հարցերի նախարարություն	Տարվա ընթացքում	ՀՀ պետական բյուջե /16,474.2 հազ. դրամ/	<i>Հաշմանդամություն ունեցող անձանց զբաղվածության խթանում, աջակցություն 41 հաշմանդամություն ունեցող անձի</i> Ծրագրում հաշմանդամություն ունեցող անձ չի ներգրավվել:

4.5.	Աշխատաշուկայում անմրցունակ անձանց աշխատանքի տեղավորման դեպքում գործատուին միանվագ փոխհատուցման տրամադրում	Աշխատանքի և սոցիալական հարցերի նախարարություն	Տարվա ընթացքում	ՀՀ պետական բյուջե /12,500.0 հազ. դրամ/ Ֆինանսավորում ը կազմել է 1.787.7 հազ. դրամ:	Հաշմանդամություն ունեցող անձանց զբաղվածության խթանում, 25 հաշմանդամություն ունեցող անձի աշխատատեղի հարմարեցում Ծրագրում ներգրավվել է հաշմանդամություն ունեցող 4 անձ:
------	---	---	-----------------	---	---

5. Հաշմանդամություն ունեցող անձանց սոցիալական սպասարկման ծրագրեր

5.1.	Մտավոր հաշմանդամություն ունեցող անձանց ցերեկային սոցիալ-վերականգնողական ծառայություններ տրամադրում	Աշխատանքի և սոցիալական հարցերի նախարարություն Մրցույթով ընտրված կազմակերպություն (համաձայնությամբ)	Տարվա ընթացքում	ՀՀ պետական բյուջե (87,524.7 հազ. դրամ) Ֆինանսավորվել է 78,622.69 հազ.դրամ	<p><i>Մտավոր խնդիրներ ունեցող ամսական միջինը 130 հաշմանդամություն ունեցող անձի ցերեկային խնամքի սոցիալ-վերականգնողական ծառայությունների տրամադրում</i></p> <p>Միջոցառման շրջանակում ցերեկային խնամք և սոցիալ-վերականգնողական ծառայություններ են տրամադրվում մտավոր և հոգեկան խնդիրներով հաշմանդամություն ունեցող անձանց: Ըստ գնահատված կարիքի շահառուները տարբեր խմբակներում ձեռք են բերում կարողություններին համապատասխան գիտելիքներ, արհեստագործական հմտություններ: Միջոցառման հիմնական նպատակը հաշմանդամություն ունեցող երիտասարդների ու պատանիների (հիմնականում մտավոր և հոգեկան խնդիրներ ունեցող) և նրանց ընտանիքների սոցիալական, կրթական և առողջապահական հիմնախնդիրների լուծման միջոցով նրանց ներառումն է հասարակություն:</p> <p>2020 թվականին հայտարարված մրցույթների արդյունքում</p>
------	--	--	-----------------	---	--

					<p>միջոցառումը պատվիրակվել են «Փրկություն», «Մայրի», «Առավոտ», «Աստղավարդ» հասարակական կազմակերպություններին:</p> <p>Համավարակով պայմանավորված արտակարգ դրության պայմաններում ծառայությունների շարունակականությունն ապահովելու նպատակով ծառայություններն իրականացվել են հեռավար, օգտագործելով առցանց հարթակները, մասնավորապես՝ zoom, viber, facebook, messenger, quizzizz:</p> <p>Կենտրոններում ամսական կտրվածքով ծառայություններ են ստացել են 139 շահառու:</p>
5.2.	Հաշմանդամություն ունեցող երեխաների և երիտասարդների սոցիալ հոգեբանական աջակցություն ցերեկային կենտրոնում	Աշխատանքի և սոցիալական հարցերի նախարարություն Մրցույթով ընտրված կազմակերպություն	Տարվա ընթացքում	ՀՀ պետական բյուջե (30,513.6 հազ. դրամ) Ֆինանսավորվել է 21,672.30 հազ.դրամ	<p>120 շահառուի սոցիալ հոգեբանական աջակցության տրամադրում:</p> <p>Միջոցառման շահառուներն են՝ հաշմանդամություն ունեցող, ինչպես նաև առողջական տարբեր խնդիրներ ունեցող, սոցիալապես անապահով ընտանիքների երեխաները և երիտասարդները: Սոցիալական ներառման սկզբունքն ապահովելու համար, ցերեկային կենտրոններում ծառայություններ կարող են ստանալ նաև հաշմանդամություն կամ որևէ խնդիր չունեցող անձիք: Շահառուն դիտարկվում է բազմամասնագիտական թիմի կողմից, կատարվում է կարիքների նախնական գնահատում: Մասնագիտական թիմի կողմից կատարված գնահատման համաձայն՝ շահառուները հաճախում են տարբեր խմբակներ՝ ըստ մտավոր կարողությունների, ձեռք են բերում նաև որոշակի մասնագիտական հմտություններ: Միջոցառումը նպաստում է շահառուների ինքնասպասարկման, կենցաղավարման,</p>

					<p>հաղորդակցման, շփման և այլ կարողությունների զարգացմանը:</p> <p>2020 թվականին հայտարարված մրցույթների արդյունքում միջոցառումը պատվիրակվել են «Երևան իմ սեր», «Լիարժեք կյանք», «Հույսի Մեծամոր» հասարակական կազմակերպություններին:</p> <p>Համավարակով պայմանավորված արտակարգ դրության պայմաններում ծառայությունների շարունակականությունն ապահովելու նպատակով ծառայություններն իրականացվել են հեռավար, օգտագործելով անցանց հարթակները, մասնավորապես՝ zoom, viber, facebook, messenger, quizzizz:</p> <p>Միջոցառման շրջանակում սոցիալ-հոգեբանական (այդ թվում՝ կիրառական բնույթի գիտելիքների տրամադրման, անկախ և ինքնուրույն կյանք վարելու կարողությունների զարգացման միջոցով աջակցություն են ստացել ամսական 115 շահառու:</p>
5.3.	Աուտիզմ ունեցող անձանց սոցիալ-հոգեբանական աջակցություն ցերեկային կենտրոնում	Աշխատանքի և սոցիալական հարցերի նախարարություն	Տարվա ընթացքում	ՀՀ պետական բյուջե (70,416.0 հազ. դրամ)	<p><i>Շուրջ 160 աուտիզմ ունեցող անձանց հնարավոր զբաղվածության և սոցիալական ներառման ապահովում</i></p> <p>Միջոցառման շրջանակում ցերեկային կենտրոններում աուտիզմ ունեցող անձանց տրամադրվում են կրթության, հոգեբանական և սոցիալական աջակցություն, կիրառելի առաջատար երկրների կողմից ընդունված թերապիաներ և մեթոդաբանություն, տարիքին բնորոշ մոտեցմամբ և հատուկ ծրագրերով մասնագիտական ուսուցում, որոնք ուղղված են աուտիզմ ունեցող անձանց, ինչպես նաև նրանց ընտանիքների անդամների կյանքի որակի բարելավմանը, կիրառական բնույթի գիտելիքների և մասնագիտության ձեռքբերմանը, ինքնուրույն</p>

		բ)			<p>կյանք վարելու կարողությունների զարգացմանը և հասարակության լիարժեք անդամ դառնալուն:</p> <p>2020 թվականին հայտարարված մրցույթների արդյունքում միջոցառումը պատվիրակվել է «Աուտիզմ ազգային հիմնադրամ», «Հայկական կարիտաս», «Մանկական զարգացման հիմնադրամ» հասարակական կազմակերպություններին: Համավարակով պայմանավորված արտակարգ դրության պայմաններում ծառայությունների շարունակականությունն ապահովելու նպատակով ծառայություններն իրականացվել են հեռավար, օգտագործելով առցանց հարթակները, մասնավորապես՝ zoom, viber, facebook, messenger, quizzizz:</p> <p>Միջոցառման շրջանակում ամսական ծառայություն են ստացել 167 աուտիզմ ունեցող անձ:</p>
5.4.	Երեխաների խնամքի ցերեկային ծառայությունների տրամադրում	Աշխատանքի և սոցիալական հարցերի նախարարություն	Տարվա ընթացքում	<p>ՀՀ պետական բյուջե</p> <p>Սույն միջոցառման գծով նախատեսված ընդհանուր հատկացումների շրջանակում</p>	<p><i>Կյանքի դժվարին իրավիճակում հայտնված և հաշմանդամություն ունեցող 3277 երեխայի և նրանց ընտանիքներին սոցիալ-հոգեբանական ծառայությունների մատուցում երեխաների խնամքի ցերեկային կենտրոններում:</i></p> <p>2020 թվականից նախարարությունն ընդլայնել է ցերեկային ծառայությունների ծածկույթը՝ հանրապետության 20 խոշոր բնակավայրերում ծառայություններ պատվիրակելով հասարակական կազմակերպություններին: Պատվիրակված հասարակական կազմակերպությունների կողմից նշված ծառայությունը միջինում տրամադրվել է 2700 երեխայի: Պայմանավորված ՔՈՎԻԴ 19 համավարակով՝ ծառայությունները արտակարգ դրության</p>

					<p>ժամանակահատվածում տրամադրվել են հեռավար եղանակով: Ծառայությունն ունի նաև շարժական բաղադրիչ՝ ուղղված սպասարկելու այն համայնքների երեխաներին, որտեղ ծառայությունը տեղակայված չէ, սակայն աջակցության կարիք կա:</p>
5.5	Երեխաների շուրջօրյա խնամքի ծառայություններ	Աշխատանքի և սոցիալական հարցերի նախարարություն	Տարվա ընթացքում	<p>ՀՀ պետական բյուջե</p> <p>Սույն միջոցառման գծով նախատեսված ընդհանուր հատկացումների շրջանակում</p>	<p><i>Առանց ծնողական խնամքի մնացած 649 երեխայի, այդ թվում 450 հաշմանդամություն ունեցող երեխայի և անձանց շուրջօրյա խնամքի ապահովում:</i></p> <p>Աշխատանքի և սոցիալական հարցերի նախարարության ենթակայության երեխաների շուրջօրյա խնամք իրականացնող բնակչության սոցիալական պաշտպանության ընդհանուր տիպի և հատուկ (մասնագիտացված) 5 հաստատությունում (մանկատուն) իրականացվում է առանց ծնողական խնամքի մնացած 577 երեխայի շուրջօրյա խնամքի, դաստիարակության ապահովումը, նրանց իրավունքների և օրինական շահերի պաշտպանությունը:</p> <p>Մանկատներից երեքը հատուկ է՝ մասնագիտացված, որտեղ խնամվում է ծանր հաշմանդամություն ունեցող՝ կենտրոնական նյարդային համակարգի օրգանական և ֆունկցիոնալ ախտահարումներով, բնածին և ձեռքբերովի մտավոր և ֆիզիկական խնդիրներով շուրջ 450 երեխա:</p>
5.6.	Երեխաների և ընտանիքների աջակցության տրամադրման ծառայություններ	Աշխատանքի և սոցիալական հարցերի նախարարություն	Տարվա ընթացքում	<p>ՀՀ պետական բյուջե</p> <p>Սույն միջոցառման գծով</p>	<p><i>Կյանքի դժվարին իրավիճակում հայտնված և հաշմանդամություն ունեցող 600 երեխային ցերեկային խնամքի ծառայությունների մատուցում և նրանց ընտանիքներին սոցիալ-հոգեբանական աջակցության տրամադրում:</i></p> <p>Կյանքի դժվարին իրավիճակում հայտնված երեխաներին</p>

				նախատեսված ընդհանուր հատկացումների շրջանակում	ցերեկային խնամքի ծառայություն տրամադրող 6 պետական հաստատությունների կողմից ծառայություն է մատուցվել 2-18 տարեկան 600 երեխայի: Կենտրոնները ծառայություն են տրամադրել ոչ միայն երեխաներին, այլ նաև ընտանիքներին՝ ապահովելով սոցիալ-հոգեբանական օգնության, իրավական խորհրդատվության, ուսումնադաստիարակչական ծառայությունների, մասնագիտական կողմնորոշման, արվեստի միջոցով թերապիայի, օկուպացիոն թերապիայի (վերականգնողական վարժանքներով թերապիա) տրամադրումը, առաջնային բժշկական օգնության և սպասարկման տրամադրման, ժամանցի, ինչպես նաև սոցիալական ներառմանն ուղղված՝ Հայաստանի Հանրապետության օրենսդրությամբ սահմանված այլ միջոցառումների կազմակերպումը: Նշված բոլոր ծառայությունների նպատակն է երեխային և նրա ընտանիքին աջակցելը՝ ապահովելով երեխայի՝ ընտանիքում ապրելու իրավունքը: Քովիդ 19-ի պայմաններում, երբ նշված հաստատությունները ծառայությունները տրամադրվել են հեռավար եղանակով՝ բոլոր շահառու երեխաների ընտանիքներին երկշաբաթյա կտրվածքով տրամադրվել է սննդի զամբյուղ:
5.7.	Տարեցների և հաշմանդամություն ունեցող 18 տարին լրացած անձանց շուրջօրյա խնամքի ծառայություններ /հաշմանդամություն	Աշխատանքի և սոցիալական հարցերի նախարարություն	Տարվա ընթացքում	ՀՀ պետական բյուջե (2,793,054.70 հազ. դրամ) Ֆինանսավորվել է 2,582,742.11	<i>1180 հաշմանդամություն ունեցող անձի շուրջօրյա խնամքի և սոցիալական սպասարկման կազմակերպում</i> Սույն միջոցառման շրջանակում շուրջօրյա խնամքի և սոցիալական սպասարկման ծառայություններ են տրամադրվել կյանքի դժվարին իրավիճակում հայտնված, խնամքի կարիք ունեցող 65 տարին լրացած տարեցներին և հաշմանդամություն

	<p>ունեցող անձինք կազմում են տուն ինտերնատներում խնամվողների շուրջ 70 %/</p>			<p>հազ.դրամ</p>	<p>ունեցող 18 տարին լրացած, այդ թվում՝ հոգեկան առողջության խնդիրներ ունեցող անձանց:</p> <p>Տարեցներին և հաշմանդամություն ունեցող անձանց շուրջօրյա խնամքի ծառայություններ են մատուցում ՀՀ աշխատանքի և սոցիալական հարցերի նախարարության ենթակայությամբ գործող բնակչության սոցիալական պաշտպանության հինգ՝ Երևանի N1, Նորքի, Գյումրու ընդհանուր տիպի տուն-ինտերնատները, Վարդենիսի նյարդահոգեբանական հատուկ (մասնագիտացված) տուն-ինտերնատը և «Ձորակ» հոգեկան առողջության խնդիրներ ունեցող անձանց խնամքի կենտրոնը: Տուն-ինտերնատներում փաստացի խնամվել են 1113 անձ, որից շուրջ 850-ը հաշմանդամություն ունեցող են: Խնամվողները գտնվում են պետության լրիվ խնամքի ներքո, նրանք ապահովվում են կացարանով, խնամքով, օրը առնվազն երեքանգամյա սննդով, հագուստով, կենսապահովման անհրաժեշտ միջոցներով, ստանում են սոցիալ-հոգեբանական, խորհրդատվական և վերականգնողական օգնություն, կազմակերպվում են նաև մշակութային միջոցառումներ:</p>
<p>5.8.</p>	<p>Տարեցներին և հաշմանդամություն ունեցող անձանց տնային պայմաններում խնամքի ծառայություններ</p>	<p>Աշխատանքի և սոցիալական հարցերի նախարարություն</p>	<p>Տարվա ընթացքում</p>	<p>ՀՀ պետական բյուջե (232,601.30 հազ. դրամ)</p>	<p><i>Շուրջ 3260 անձի սոցիալական սպասարկման կազմակերպում տնային պայմաններում</i></p> <p><i>/հաշմանդամություն ունեցող անձինք կազմում են սպասարկվողների շուրջ 30%-ը/</i></p> <p>Տնային պայմաններում խնամքի ծառայությունները տրամադրվում են դրա կարիքն ունեցող, տարեց, անձանց և (կամ) հաշմանդամություն ունեցող անձանց՝ նրանց</p>

			<p>Ֆինանսավորվել է 206,248.48 հազ.դրամ</p>	<p>անհատական սոցիալական ծրագրի համաձայն և ըստ նրանց գնահատված կարիքների սահմանված խմբերի ու ծառայությունների տեսակների նկատմամբ ունեցած պահանջարկի: Տնային պայմաններում շահառուներին տրամադրվում են հետևյալ ծառայությունները.</p> <ol style="list-style-type: none"> 1) կենցաղային սպասարկում. 2) բժշկական օգնություն և սպասարկում. 3) սոցիալ-հոգեբանական օգնություն. 4) խորհրդատվական օգնություն: <p>Սույն միջոցառման շրջանակում իրականացվում է 3032 անձի սոցիալական սպասարկման կազմակերպում տնային պայմաններում (հաշմանդամություն ունեցող անձինք կազմում են սպասարկվողների շուրջ 30%-ը):</p> <p>Միջոցառումն իրականացնում ՀՀ աշխատանքի և սոցիալական հարցերի նախարարության ենթակայության «Տնային պայմաններում միայնակ տարեցների և հաշմանդամների սոցիալական սպասարկման կենտրոն» ՊՈԱԿ-ը, ինչպես նաև 2020 թվականին դրամաշնորհի մրցույթում հաղթած հետևյալ կազմակերպությունները՝ «Առաքելություն Հայաստան» ԲՀԿ, «Գերմանական Կարմիր Խաչի ընկերություն», «Հայկական Կարմիր Խաչի ընկերություն», «Արմավիրի զարգացման կենտրոն» ՀԿ, «Հանս Քրիստիան Կոֆոեդ» ԲԿ, «Տարեցների առողջության և խնամքի ապահովման ասոցիացիա» ՀԿ:</p>
--	--	--	--	--

5.9.	Տարեցներին, հաշմանդամություն ունեցող անձանց ցերեկային խնամքի ծառայություններ	Աշխատանքի և սոցիալական հարցերի նախարարություն	Տարվա ընթացքում	<p>ՀՀ պետական բյուջե</p> <p>(205, 402.50 հազ. դրամ)</p> <p>Ֆինանսավորվել է 184,683.80 հազ.դրամ</p>	<p>1845 անձի սոցիալական սպասարկում ցերեկային կենտրոններում</p> <p>/հաշմանդամություն ունեցող անձինք կազմում են սպասարկվողների շուրջ 35%-ը/</p> <p>«Տարեցներին և հաշմանդամություն ունեցող անձանց ցերեկային խնամքի ծառայություններ» ծրագրի հիմնական նպատակն է խնամքի կարիք ունեցող, կյանքի դժվարին իրավիճակում հայտնված՝ տարեց և/կամ հաշմանդամություն ունեցող 18 տարին լրացած անձանց սոցիալական հոգածության ցերեկային կենտրոններում սպասարկմամբ և օրը՝ մեկանգամյա սննդով կամ տաք ճաշով ապահովմամբ: Ցերեկային կենտրոններում, ցերեկվա ժամերին տրամադրվում է առաջին բուժօգնության և սոցիալ-հոգեբանական խորհրդատվության ծառայություններ:</p> <p>Սույն միջոցառման շրջանակում իրականացվում է 1408 անձի սոցիալական սպասարկում ցերեկային կենտրոններում</p> <p>/հաշմանդամություն ունեցող անձինք կազմում են սպասարկվողների շուրջ 35%-ը/</p> <p>2020 թվականին հայտարարված մրցույթների արդյունքում միջոցառումը պատվիրակվել է «Առաքելություն Հայաստան» ԲՀԿ-ին, «Հայակական Կարիտաս» ԲՀԿ-ին, «Խնամք» ՀԿ-ին և «Տարեցների առողջության և խնամքի ապահովման ասոցիացիա» ՀԿ-ին:</p>
------	--	---	-----------------	---	--

5.10	Մտավոր խնդիրներ ունեցող անձանց շուրջօրյա խնամքի ծառայություններ	Աշխատանքի և սոցիալական հարցերի նախարարություն Մրցույթով ընտրված կազմակերպություն (համաձայնությամբ)	Տարվա ընթացքում	ՀՀ պետական բյուջե (44,938.8 հազ.դրամ)	30 հաշմանդամություն ունեցող անձի շուրջօրյա խնամքի տրամադրում Միջոցառման շրջանակում շուրջօրյա խնամքի և սոցիալական սպասարկման ծառայություններ են տրամադրվել մտավոր խնդիրներ ունեցող երկկողմանի ծնողազուրկ 18 տարին լրացած, կացարանի և խնամքի կարիք ունեցող 30 երիտասարդի: 2020 թվականին հայտարարված մրցույթների արդյունքում միջոցառումը պատվիրակվել է «Զերմիկ Անկյուն» հիմնադրամին:
5.11.	Հոգեկան առողջության խնդիրներ ունեցող անձանց շուրջօրյա խնամքի ծառայություններ	Աշխատանքի և սոցիալական հարցերի նախարարություն Մրցույթով ընտրված կազմակերպություն (համաձայնությամբ)	Տարվա ընթացքում	ՀՀ պետական բյուջե (32,860.8 հազ.դրամ)	32 հաշմանդամություն ունեցող անձի շուրջօրյա խնամքի տրամադրում Միջոցառման շրջանակում շուրջօրյա խնամքի և սոցիալական սպասարկման ծառայություններ են տրամադրվել հոգեկան առողջության խնդիրներ ունեցող ունեցող 16 անձի: 2020 թվականին հայտարարված մրցույթի արդյունքում միջոցառումը պատվիրակվել է «Իսնամք» ՀԿ-ին՝ Սպիտակի խնամքի տանը 16 շահառուի ծառայություններ տրամադրելու նպատակով: Խնամքի տանը բազմամասնագիտական թիմի կողմից մատուցվում են հետևյալ ծառայությունները՝ սոցիալ-հոգեբանական ծառայություններ, ինքնասպասարկման ունակությունների զարգացում և կենցաղավարման հմտությունների ուսուցանում, սոցիալականացման գործընթացի և համայնքային կյանքին մասնակցության ապահովում, աշխատանքային թերապիայի տարբեր տեսակների

					(զբաղմունքների) կազմակերպում, մշակութային միջոցառումների կազմակերպում և այլն: Վերոնշյալ ծառայությունների նպատակն է խնամքի տան շահառուներին ընձեռել ինքնուրույն, լիարժեք կյանքի, հասարակության մեջ ինտեգրման և լիարժեք անդամ ներկայանալու հնարավորություն:
5.12.	Տնային խնամք հոգեկան առողջության խնդիրներ ունեցող անձանց	Աշխատանքի և սոցիալական հարցերի նախարարություն Մրցույթով ընտրված կազմակերպություն (համաձայնությամբ)	Տարվա ընթացքում	ՀՀ պետական բյուջե (14448.3 Ֆինանսավորվել է 11.731.2 հազ.դրամ	<i>50 հոգեկան առողջության խնդիրներով հաշմանդամություն ունեցող անձի սպասարկում տնային պայմաններում</i> Սույն միջոցառման հիմնական նպատակն է խնամքի կարիք ունեցող, կյանքի դժվարին իրավիճակում հայտնված հոգեկան առողջության խնդիրներ ունեցող 18 տարին լրացած անձանց տնային պայմաններում խնամքով ու սպասարկմամբ ապահովումը: Դրամաշնորհը տրամադրվել է 2020 թ. մրցույթի արդյունքում հաղթող ճանաչված «Խնամք» ՀԿ-ին Երևան քաղաքում հոգեկան առողջության խնդիրներ ունեցող 50 շահառուի տնային պայմաններում խնամքի ծառայությունների տրամադրման նպատակով: Սույն միջոցառման շրջանակում ծառայություն են ստացել 53 հոգեկան առողջության խնդիրներ ունեցող հաշմանդամություն ունեցող անձ:
7.	Հաշմանդամություն ունեցող անձանց վերականգնողական ծառայություններից օգտվելու իրավունքի ապահովում				
7.1.	Պետական հավաստագրերով աջակցող միջոցների տրամադրում	Աշխատանքի և սոցիալական հարցերի նախարարություն	Տարվա ընթացքում	ՀՀ պետական բյուջե (952,823.1 հազ. դրամ)	<i>Հաշմանդամություն ունեցող անձանց շուրջ 13822 աջակցող միջոցների տրամադրում</i> Տարվա ընթացքում շահառուներին սահմանված կարգով և ժամկետներում տրամադրվել են պետական հավաստագրեր

				Ֆինանսավորվել է 915,890.44 հազ.դրամ	աջակցող միջոցներ ձեռքբերելու նպատակով: Նախարարության կողմից որակավորված շուրջ 16 կազմակերպությունների կողմից տրամադրվել են 12518 աջակցող միջոցներ: Ներդրված մեխանիզմները թույլ են տալիս ապահովել պետական միջոցներով տրամադրվող աջակցող միջոցների ողջ պահանջարկը, այսինքն՝ աջակցող միջոցներ ստանալու մասին բոլոր դիմումները բավարարվում են օրենսդրությամբ սահմանված կարգով և ժամկետներում:
7.2.	Տեսողության խնդիրներ ունեցող անձանց սոցիալ-հոգեբանական վերականգնում	Աշխատանքի և սոցիալական հարցերի նախարարություն	Տարվա ընթացքում	ՀՀ պետական բյուջե (12,362.3 հազ. դրամ) Ֆինանսավորվել է 11,561.60 հազ. դրամ	<i>Տեսողության խնդիրներով հաշմանդամություն ունեցող (չփոխնող) 30 անձի սպիտակ ձեռնափայտով փողաշարժելու հմտությունների ուսուցանում</i> Ծրագրի շրջանակում իրականացվում է տեսողության խնդրով հաշմանդամություն ունեցող անձանց սպիտակ ձեռնափայտով տեղաշարժելու հմտությունների ուսուցանում, տարածական կողմնորոշման ուսուցում, աջակցություն՝ հաղթահարելու սոցիալ-հոգեբանական բնույթի խոչընդոտները: Հայտարարված մրցույթի արդյունքում միջոցառումը պատվիրակվել է «Լիարժեք կյանք» ՀԿ, որի միջոցով ամսական կտրվածքով ծառայություն են ստացել տեսողության խնդիրներով հաշմանդամություն ունեցող 22 անձ:
10.	Սոցիալական գործընկերություն հաշմանդամություն ունեցող անձանց հիմնահարցերով զբաղվող պետական և հասարակական կազմակերպությունների միջև				
10.1.	Հաշմանդամություն ունեցող անձանց հարցերով զբաղվող ազգային	Աշխատանքի և սոցիալական հարցերի	Տարվա ընթացքում	Ֆինանսավորում չի պահանջվում	<i>Հաշմանդամություն ունեցող անձանց հիմնախնդիրների քննարկում պետական մարմինների և հասարակական կազմակերպությունների մասնակցությամբ</i>

	<p>հանձնաժողովի աշխատանքերի իրականացում</p>	<p>Նախարարություն</p> <p>Մարզպետարաններ</p> <p>(համաձայնությամբ)</p>			<p>2020 թվականի հունիսի 9-ին գումարվել է հաշմանդամություն ունեցող անձանց հարցերով զբաղվող ազգային հանձնաժողովի նիստ՝ շահագրգիռ գերատեսչությունների և հաշմանդամություն ունեցող անձանց հարցերով զբաղվող հասարակական կազմակերպությունների ներկայացուցիչների մասնակցությամբ: Նիստը կազմակերպվել է առցանց: Օրակարգում քննարկվել են հետևյալ հարցերը.</p> <ul style="list-style-type: none"> • Հաշմանդամություն ունեցող անձանց սոցիալ-վերականգնողական ծառայություններ մատուցող՝ աշխատանքի և սոցիալական հարցերի նախարարության հետ դրամաշնորհի պայմանագրեր կնքած կազմակերպությունների աշխատանքները COVID -19-ի պայմաններում» • «Հաշմանդամություն ունեցող անձանց խնամքի ծառայությունների փոխակերպման 2020-2024 թվականների միջոցառումների ծրագիրը և ծրագրի իրականացման ժամանակացույցը հաստատելու մասին» կառավարության որոշման նախագիծը:
<p>11.</p>	<p>Վիճակագրություն և տվյալների հավաքագրում</p>				
<p>11.1.</p>	<p>Հայաստանում անցկացվող մարդահամարի հարցաթերթում անձի հաշմանդամության և մասնակցության սահմանափակման վերաբերյալ հարցերի ներառում</p>	<p>Վիճակագրական կոմիտե</p> <p>Աշխատանքի և սոցիալական հարցերի նախարարություն</p>	<p>Տարվա ընթացքում</p> <p>Շարունակական</p>	<p>Ֆինանսավորում չի պահանջում</p>	<p><i>Բնակչության մեջ տարբեր խնդիրներ ունեցող անձանց վերաբերյալ վիճակագրական տվյալների առկայություն</i></p> <p>Հայաստանի Հանրապետության 2021 թվականի մարդահամարի ծրագրի հարցաշարի) նախագծում՝ ըստ ՄԱԿ կողմից սահմանված պահանջների ներառվել են անձի հաշմանդամության և մասնակցության սահմանափակման վերաբերյալ հարցեր՝ ըստ Վաշինգտոնի խմբի /WG/ գործունակությունների կրճատ փաթեթի: Արդյունքում ակնկալվում է վիճակագրական տվյալներ ստանալ բնակչության շրջանում՝ տեսողության, լսողության, քայլելու կամ</p>

					բարձրանալու, հիշողության, հաղորդակցվելու և ինքնուրույն խնամքը հոգալու խնդիրներ ունեցող անձանց վերաբերյալ, որոնք հնարավոր կլինի խաչաձևել՝ սեռի, տարիքի, կրթական մակարդակի, ամուսնական վիճակի, ազգության, զբաղվածության և մարդահամարի ընթացքում հավաքագրվող այլ տվյալների հետ:
12.	Իրազեկվածության բարձրացում				
12.2.	Սոցիալական ծառայության տարածքային մարմինների սոցիալական աշխատողների վերապատրաստումներ հաշմանդամություն ունեցող անձանց իրավունքների, նրանց մատուցվող ծառայությունների վերաբերյալ	Աշխատանքի և սոցիալական հարցերի նարարություն	Տարվա ընթացքում	<p>ՀՀ պետական բյուջե, սույն միջոցառման գծով նախատեսված ընդհանուր հատկացումների շրջանակում</p> <p>Օրենքով չարգելված այլ աղբյուրներ</p>	<p><i>Հաշմանդամություն ունեցող անձանց իրավունքների, նրանց մատուցվող ծառայությունների վերաբերյալ իրազեկաման բարձրացում, համապատասխան ծառայությունների մատուցում</i></p> <p>Աշխատանքի և սոցիալական հարցերի նախարարության «Աշխատանքի և սոցիալական հետազոտությունների ազգային ինստիտուտ» պետական ոչ առևտրային կազմակերպության կողմից 2020 թվականի ընթացքում իրականացվել են հետևյալ դասընթացները.</p> <ul style="list-style-type: none"> • «Սոցիալական աշխատանք տարեցների հետ» թեմայով դասընթաց, որտեղ ներառվել են «Տարեցների սոցիալական պաշտպանության ռազմավարությունն ու դրա իրականացման 2017-2021թթ. միջոցառումների ծրագիրը» և «Ոլորտը կարգավորող օրենսդրությունը և տարեցներին ու հաշմանդամներին տրամադրվող ծառայությունները» թեմաները: Դասընթացին մասնակցել են աշխատանքի և սոցիալական հարցերի նախարարության համակարգի տուն-ինտերնատների և ՀԿ-ների 24 սոցիալական աշխատողներ և հոգեբաններ: • Տարեցների խնամքի առանձնահատկությունները» թեմայով դասընթաց, որտեղ ներառվել են «Տարեց կամ

					<p>հաշմանդամություն ունեցող անձանց խնամքի, վերականգնողական օգնության տրամադրման կարգն ու պայմանները» և «Հայաստանում տարեցների և հաշմանդամների սոցիալական պաշտպանության ոլորտի օրենսդրությունը, տարեցներին և հաշմանդամներին տրամադրվող ծառայությունները» թեմաները: Դասընթացին մասնակցել են աշխատանքի և սոցիալական հարցերի նախարարության համակարգի տուն-ինտերնատների 22 բուժքույրեր և սանիտարներ:</p> <ul style="list-style-type: none"> • «Մարդու իրավունքների արդի հիմնախնդիրները» թեմայով դասընթաց, որին մասնակցել են աշխատանքի և սոցիալական հարցերի նախարարության ենթակայության երեխաների խնամք և պաշտպանություն իրականացնող հաստատությունների սոցիալական աշխատողներ և իրավախորհրդատուներ՝ 22 ունկնդիր: • «Խոշտանգումները, անմարդկային կամ անձի արժանապատվությունը նվաստացնող վերաբերմունքը՝ որպես մարդու իրավունքների ոտնահարում» թեմայով դասընթաց, որին մասնակցել են աշխատանքի և սոցիալական հարցերի նախարարության ենթակայության երեխաների խնամք և պաշտպանություն իրականացնող հաստատությունների տնօրեններ, փոխտնօրեններ, սոցիալական աշխատողներ, սոցիալական մանկավարժներ, մեթոդիստ համակարգողներ, հոգեբաններ և ՀԿ ներկայացուցիչներ՝ 28 ունկնդիր:
12.3.	Գործատուների շրջանում հաշմանդամություն ունեցող կանանց հիմնախնդիրների վերաբերյալ	Աշխատանքի և սոցիալական հարցերի նախարարություն	Տարվա ընթացքում	ՀՀ պետական բյուջե, սույն միջոցառման գծով նախատեսված ընդհանուր	<p><i>Հաշմանդամություն ունեցող կանանց աշխատանքային իրավունքների պաշտպանություն, գործատուների շրջանում նրանց նկատմամբ կարծրափոփոխ վերացում</i></p> <p>Համավարակով և ռազմական դրության հետևանքով երկրում ստեղծված իրավիճակով պայմանավորված</p>

	իրազեկման աշխատանքների իրականացում			հատկացումների շրջանակում Օրենքով չարգելված այլ աղբյուրներ	իրազեկման աշխատանքներ չեն իրականացվել:
12.4.	Հաշմանդամություն ունեցող անձանց այդ թվում՝ կանանց, երեխաների, հոգեկան առողջության խնդիրներ ունեցող անձանց իրավունքների վերաբերյալ ուղեցույցների մշակում	Աշխատանքի և սոցիալական հարցերի նախարարություն Հասարակական կազմակերպություններ (համաձայնությամբ)	Տարվա ընթացքում	Օրենքով չարգելված այլ աղբյուրներ	<p><i>Հաշմանդամություն ունեցող կանանց, երեխաների, հոգեկան առողջության խնդիրներ ունեցող անձանց վերաբերյալ իրազեկվածության բարձրացում</i></p> <p>Համավարակով պայմանավորված արտակարգ դրության պայմաններում հաշմանդամություն ունեցող (այդ թվում հոգեկան և մտավոր խնդիրներ ունեցող) անձանց իրազեկվածությունը ապահովելու նպատակով մշակվել է կոռոնավիրուսային վարակի վերաբերյալ տեղեկատվական հոլովակ-ուղեցույց, որը տեղադրվել է նախարարության պաշտոնական կայք էջում:</p> <p>Հարկ է նշել նաև, որ նախարարության պաշտոնական կայքում տեղադրված տեղեկատվական տեսահոլովակները ուղեկցվում են նաև հայերեն ժեստերի լեզվի թարգմանությամբ:</p>
12.5.	Լավագույն քարոզարշավի, հանրային իրազեկության, լրատվության մրցանակաբաշխություն	Աշխատանքի և սոցիալական հարցերի նախարարություն.	Տարվա ընթացքում	Օրենքով չարգելված այլ աղբյուրներ	<p><i>ՋԼՄ-ների շրջանում հաշմանդամություն ունեցող անձանց իրավունքների և նրանց հիմնախնդիրների վերաբերյալ հասարակության իրազեկվածության բարձրացման նախաձեռնությունների խթանում</i></p> <p>Համավարակով և ռազմական դրության հետևանքով երկրում ստեղծված իրավիճակով պայմանավորված՝</p>

					մրցանակաբաշխություն չի իրականացվել:
--	--	--	--	--	-------------------------------------